

Serie A N.º 0363286

SESIÓN EXTRAORDINARIA DE CARÁCTER URGENTE CELEBRADA POLO
PLENO DO CONCELLO O DIA 13 / DE DECEMBRO / 1.997

Na Casa do Concello de Redondela, sendo as vinte horas do día trece de Decembro de mil novecentos noventa e sete, previa convocatoria, e baixo a Presidencia do Sr. Alcalde, D. AMADO RICON VIRULEGIO, reuníronse os/as Sres./as Concelleiros/as: D. MANUEL ALONSO LEMOS, D^a. M^a DEL CARMEN BASTOS RODRIGUEZ, D. JOSE BLANCO PUGA, D^a. FRANCISCA CANAL GOMEZ, D. JAIME DARRIBA VILAS, D. GUMERSINDO FERNANDEZ MENDEZ, D. EMILIO GONZALEZ IGLESIAS, D. XOSE LUIS GRANDE GRANDE, D. MANUEL IGLESIAS CARRERA, D. LUIS ALBERTO MIGUEZ DOCAMPO, D. LUIS ALBERTO ORGE MIGUEZ, D. XOSE CARLOS PAZOS DOCAMPO, D^a. CECILIA PEREZ ORGE, D. MANUEL PIÑEIRO COSTAS, D. FRANCISCO PUCH CASAL, D. XAIME REI BARREIRO, D. LUIS RODRIGUEZ VILARCHAN, D. JOSE MANUEL SOTO VIRULEGIO, D. JAIME TORNERO LOPEZ, e D^a. JOSEFA VILLAVARDE RODRIGUEZ, actuando como Secretario Acctal., que certifica, o Funcionario D. BERNARDO SOTO LOPEZ, constituíndose o Pleno do Il^{to}. Concello de Redondela, en sesión extraordinaria de carácter urgente.

Pola Presidencia indícase que ante o asasinato de D. JOSE LUIS CASO CORTINES, vaise a someter á consideración do Concello Pleno a proposta de acordos consensuada polos grupos políticos con representación municipal, debendo previamente, pronunciarse o Pleno sobre a urxencia da convocatoria.

Sometida a votación ordinaria a urxencia da sesión extraordinaria convocada, esta é apreciada por unanimidade de tódolos/as Concelleiros/as asistentes á sesión.

A continuación polo Sr. Soto Virulegio, Voceiro do Grupo Municipal do Partido Popular, dase lectura a proposta, asinada polos Portavoces dos Grupos Políticos con representación municipal, mailos dous Concelleiros do Grupo Mixto, que transcrita dí:

"Ante o asasinato de D. JOSE LUIS CASO CORTINES pola banda terrorita e mafiosa de ETA, a Corporación do Concello de Redondela en Pleno adopta o seguinte acordo:

1º).- Manifesta-la nosa máis enérxica condena, repulsa e indignación polos feitos acontecidos.

2°).- Rechaza-la chantaxe e a intolerancia dos que dín loitar pola liberdade do seu pobo coa violencia, extorsión e métodos terroristas.

3°).- Expresa-la solidariedade do pobo de Redondela co sufrimento da familia, amigos e compañeiros de D. JOSE LUIS CASO CORTINES.

4°).- Expresar ó pobo VASCO, GALEGO, ós Concellos de Comillas, Rentería, e ó resto das xentes do Estado Español a nosa resposta unánime en contra da intolerancia, da violencia, e a favor da paz, a vida e a liberdade."


O Concello Pleno, en votación ordinaria e por unanimidade de tódolos seus membros acordan prestar aprobación, nos seus propios términos, a proposta transcrita.-

De seguido gárdase un minuto de silencio en memoria da vítima.

E, non sendo outro o obxecto desta sesión, pola Presidencia levántase a mesma, sendo as vinte horas e sete minutos da data fixada no encabezamento, en proba de todo o que, se estende a presente Acta, que se inscribiu no Libro dende a o folio 179 do Papel Timbrado da Comunidade Autónoma de Galicia, Serie A n° 0363286, ata a volta do mesmo folio 179 ,de todo o que, como Secretario, DOU FE.-

O ALCALDE

O SECRETARIO



AMADO RICON VIRULEGIO

BERNARDO SOTO LÓPEZ